

Útgefið
1913

Öðrum þarðstjörnum
og
á þessari.

I.

Fólkið er harðgjört. Þó að jeg álití með engu móti fundar-
fært úti, veðursins vegna, var
kominn saman hópur manna á
tilteknum stað í gær, til að hlýða
á ræðu mína. Bauðst jeg þá til
að tala í Bárubúð, ef mjer væri
útvegad húsið, og varð til þess
maður seinna um kvöldið; en
fáir gátu fengið vitneskju um
þetta og frestaði jeg því ræðu
minni til næsta sunnudags (kl. 5
í Bárubúð, sem enn mun sagt
verða).

II.

EKKI hafa menn orðið við til-
mælum mínum um að hætta
þessum bjöllulátum, sem engum
eru til gagns, en eyðileggja svefn
mínn og gera mjer nær alt ófært.
Ogsíðan svefn mínn var fyrst eyði-
lagður í tveggja mánaða sjóferð
til Grænlands, hef jeg ekki verið
jafn þrálátlega hindraður í að sofa,
eins og þessa þrjá mánuði og
nokkru meir, sem liðnir eru síð-
an bærinn setti upp þetta viður-
kenda merki fiflskáparins, bjöllu-
hringingarnar. Verð jeg að skoða
þá sem eindregna fjandmenn
mína, sem vilja halda þessum
bjölluhringingum áfram, og mun
ekki óska þeim góðs. Og þó að

menn trúi mjer ekki til þess, þá er
það samt satt, að það er ábyrgðar-
hlutur að leggja það, sem ef til
vill mætti nefna pindingar, á þó
að ekki væri nema einn maður,
og jafnvel þó að sá maður hefði
rangt fyrir sjer í að halda, að
hann væri — eða hefði verið,
því að jeg hef nærri því lagt
árar í bát — að vinna að afar-
þýðingarmiklu starfi fyrir þjóð
sína og fleiri.

Þessi bjöllu hljómur hefur senni-
lega spilt svefni fyrir fleirurn en
mjer, þó að þeir hafi ef til vill
ekki allir tekið eftir, hvað það
er, sem hefur vakið þá og gert
þeim erfiðara í geði þessa síð-
ustu þrjá mánuði.

III.

Margir munu halda, að það sje
hin mesta fjarstæða, að það sje
unt að vita nokkuð um lífið á
öðrum hnöttum, og telja það
næsta broslega hugsun, að ýmis-
legt í opinberunarbókum Ezekíels
og Jóhannesar, eða í ritum Swe-
denborgs, sem í sannleika var
ekki minstur af spámönnunum,
megi skoða einsog nokkurskonar
ferðasögur úr öðrum sólkerfum.
Þesskonar ferðasögur raunar, að
til að mynda Ódysseifskviða, eða
ferðasögur Sindbaðs, mega í
samanburði við þessar frjettir af
himnum, nærri því teljast vís-
indaleg landafræði. En þó eru
opinberunarbækurnar afarmerki-
legar, og menn munu lesa þær
með ennpá meiri áhuga en áður,
þegar þeir fara að skilja hið
sanna eðli þeirra.

Nýar hugsanir eru vanalega misskildar og fyrirlitnar fyrst, og það þó að þær hafi ætlað sjer minna en þær, sem hjer hefur líttillega verið drepið á. Og mætti nefna þess mörg dæmi úr sögu vísindanna og heimspekinnar, hvað sannleikurinn hefur einatt átt örðugt. Og því er nú sem er. Þess vegna er ennþá til fátækt og sjúkdóm- ar. Þeir á himnum geta ekki hjálpað oss hjer á þessari erviðu útkjálkajörð, fyr en vjer vitum af þeim og gerum oss nokkurnveginn rjettar hugmyndir um þá, og komumst falsvert lengra fram úr dýrunum að skynsemi, en verið hefur.

IV.

Það hefði ef til vill verið hyggilegra af mjer, að leita fyrst til annara þjóða með þessi stór tíðindi, sem jeg þykist hafa að segja. En jeg get nú varla hygginn kallast, og svo er mjer það alvara, að meta meir íslensku en önnur mál, og vil ekki byrja að hugsa um mjög ervið efni á útlendum málum. Og margir munu skilja, að það er miklu skemtilegra fyrir Íslendinga sjálfa, að þeir verði fyrri til en annara þjóða menn að átta sig á þessum nýu tíðindum, sem jeg flyt þeim.

19. 5.

Helgi Pjeturss.

Frásir
nar.

Vísir

Fa
Besta
Vísir

Stud. 23. maí 1913.

25 blöð frá 18. maí kosta á ngr. 50 aura.
Send út um land 60 au.— Einst. blöð 3 au.

Skrifstofa í Hafnarstræti 20. «Venju-
lega opn kl. 2—4. Sími 400.

Um lífið á öðrum jarðstjörnum

talar

Dr. Helgi Pjeturss.

í Bárubúð á sunnudaginn 5 e. h.

Aðgöngumiðar á 25 aura fást laugardaginn í bókverslun
Ísafoldar, og frá 4 sunnudaginn í Bárubúð.

Mánud. 26. maí 1913.

VÍSIR

Um lífið á öðrum jarðstjörnum flutti *Dr. Helgi Pjeturss.* fyrirlestur í Bárubúð í gærkveldi kl. 5—6 og voru áheyrendur um 200. Fyrirlesarinn hafði fram að færa ýmislegt nýstárlegt, en hinn naumi tími gaf honum ekki tækifæri til að flytja nema upphaf þessa máls, sem hann vildi ræða, og má búast við að hann mæti von bráðar einn eða fleiri fyrirlestra um sama efni. Hann virtist þess sannfærður, að á mörgum öðrum jarðstjörnum byggju skynsemigæddar verur, sem væru

okkur miklu vitrari og myndu lengi hafa reynt að ná sambandi við okkur, og hann áleit, að það samband hefði þegar tekist að nokkru og færði dæmi til. En þessi fyrirlestur var meira inngangur til málsins, en málið sjálft, og má því búast við meiri nýngum í næsta fyrirlestri doktorsins.